

ПАЙШАНБА КУНЛАРИ ЧИҚАДИ

• УЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ҲАФТАЛИГИ •

• Баҳоси эркин нарҳда •

УШБУ СОНДА:

МАМАТҚОДИР НАЗАРОВ:

ЎЗБЕКИСТОНДА ҚАНЧА ОИЛА БОР?

3-БЕТ

ЖУРАҚУЛ САТТОРОВ:

ТУПРОҚ — ЖОНЛИ МАВЖУДОТ

4-БЕТ

МИТХУН ЧАКРАБОРТИ:

ИЧИШНИ ТАШЛАДИМ

8-БЕТ



С. МАҲКАМОВ, У. ШАРИПОВ ва Х. МИРЗАКАРИМОВ суратлари

КЕЙИНГИ СОНЛАРДА:

НОРМУРОД МУСОМОВ:

**ЖАҲОН ЧЕМПИОНАТИДА
БИЗНИНГ ПЯТНИЦКИЙ**

БЕРУНИЙ СУЛТОНЗОДА:

УЧИНЧИ ДУНЕ БОЛАЛАРИ



ТАНТАНА

Аввал хабар қилганимиздек, 1 июн — Халқаро Болаларни ҳимоя қилиш куни жумҳуриятимиз буйлаб катта тантана билан ўтди. Хусусан, Тошкент шаҳрида жумҳурият Болалар жамғармаси ташаббускорлигида тилга олса арзигулик тадбирлар уюштирилди.

Шу куни, пойтахтимизнинг «Меҳржон» болалар паркда мамлакатимизнинг турли бурчакларидан ташриф бурган меҳмонлар иштирокида байрам сайли бўлиб ўтди. Турли хил учрашувлар, концертлар йиғилганларга маънавий завқ бағишларди. Сайлан сўнг, байрам иштирокчилари жумҳурият кўғирчоқ театрига бордилар.

Театр жамоаси меҳмонларимиз бўлмиш болалар уйи тарбияланувчилари, қаровчисини йўқотган болалар ва уларни ўз тарбиясига олган оилаларни турли хил кўғирчоқлар либосида кутиб олишди. Театр ҳовлисидаёқ, учрашувга тантанали руҳ ҳоким бўлди. Болалар «кўғирчоқ»лар билан ўйинга тушдилар. Жумҳурият Болалар жамғармаси қошидаги «Нафис» фирмаси болалар учун янги модаларни намойиш қилди. «Қалдирғоч» театр гуруҳининг томошалари барчага манзур бўлди.

Шундан сўнг, болалар жумҳурият Кўғирчоқ театрининг тарихи билан танишдилар. Янги спектакл премьерасини кўрдилар.

Байрам сўнггида қаровчисиз қолган болаларни қарамоғига олиб тарбия қилаётган оила бошлиқларига турли ташкилотлар томонидан совғалар топширилди. Етим болаларга бош-оёқ сарпо берилди. Шу куни рўшнолик кўрган барча оилалар номидан Навоий шаҳридан келган Мунаввар Пардаева сўзга чиқди. [Бу оила ҳозирда 20 нафар болани тарбияламоқда]. У ўз сўзида ушбу байрамда ҳиммат кўрсатган жумҳурият Болалар жамғармаси корхоналари ассоциацияси ва ХДП Тошкент шаҳар бўлимига чуқур миннатдорчилигини изҳор этди.

И. БҮРИБОЕВ



С. МУСАЕВ сурати

Етти кун

ҚИМИЗХҲУРЛАР ДИҚҚАТИГА!

Бойсун туманидаги «Дарбанд» жамоа хўжалигида 25 бош бич соғилиб, бир мавсумда ўн бир тонна қимиз тайёрланадиган бўлди. Ана шу кўпдан кўп хасталикларга шифоли асл бўлган қимизнинг 8 тоннаси вилоят сил касалликлари шифохонасига жўнатилади. Қолгани қимизхўрларга.

РЕКОРДЛАР КИТОБИГА

Тошкент шаҳрида жойлашган тўхруқхоналардан бирида ҳомиласини 16 (ўн олти) ой кўтариб юрган аёлнинг кўзи ёриди. Эгизак фарзанд туғилди.

Шифокорлар болалар соғлом ривожланаётганлигини таъкидлашмоқда.

ФАҚАТ, ПИЛЛА БОҚҚАНЛАРГА

Ғаллаорол туманидаги «Зарбулоқ» ширкат хўжалиги раҳбарлари пилла боқётган фуқаролар ҳолидан тез-тез хабар олиб туришибди. Яқинда, ана шундай оилаларга хўжалик маъмурияти 10 донадан бепул кирсовуни тарқатиб чиқди.

ЭВИНИ ТОПДИ

Шўрчи шаҳридаги 2-болалар боғчаси тарбиячиси Гулнора Абдураҳмонова боғча болалари учун икки юздан ортиқ ҳар хил ўйинчоқларни бепул ясаб берди. Унинг хом-ашёси пахта, эски латта-путта, майда-чуйда ёғоч-тахталалари, барглар, яроқсиз бўлиб қолган пластмасса идишлари ва ҳоказо. Агар Гулнора ясаб берган ўйинчоқлар пулга чақиладиган бўлса, ўн икки миллион сўмдан ошиб кетаркан.

ОТАНИНГ «ТАШВИШИ»

Олтириқ туманининг Капаянчи қишлоғидаги Олимовлар хонадонида уч эгизак туғилди. Худонинг берганини қарангки, уччаласи ҳам ўғил экан. Улар соғлом, онаси — Замирахон ўзини яхши ҳис қилляпти.

Лекин отага бироз мушқулроқ бўлаётгандек, чамамизда. Икки катта эгизакнинг номи аниқ — Ҳасан-Хусан, учинчиси эса...

АЁЛЛАР БАС КЕЛОЛМАДИ

Избоскан туманидаги 22-мактаб ўқувчиси, ўн бир яшар шашкачи Дурдона Сайнобиддинова ҳаммани ҳайратда қолдирди. Бу қизалоқ, Андижон вилояти аёллари ўртасида ўтказилган шашка бўйича мусобақада қатнашиб, биринчи ўринни олди. Дурдона тажрибали мусобақадosh опаларининг бирортасидан ҳам енгилмай, 7 имкониятдан 6,5 очко тўплади. Унга Андижон терма командаси сафида мамлакат чемпионатида қатнашиш ҳуқуқи берилди.

● Кўнгил ижодхонаси

ОЛИСЛАРДА «ЙИҒЛАЁТГАН» БОЛАЛИК

Ҳаммаси ёзувчи Тоҳир Малиқнинг «Алвидо болалик» китобини ўқигандан сўнг бошланди. Ҳар доим қишининг узун кечалари алламаҳалгача болалик ҳақида ўйлайдиган одат чиқардим. Болалик... менинг тасаввуримда бегубор ва тўпори ҳаёт гавдаланади. Ҳар бир инсон дунёга келибдики, у яшашга маҳкумдир. У қиёмат ато этган умрнинг қувончли ва ташвишли онларини бошидан кечирши тайин. Ана шу онларни эслашда бевосита хотирага мурожаат қилади. Шунда беихтиёр хотиралар ибтидосида бахтиёр болалигини эслайверади.

Болалик... ким учундир мўъжиза, ким учундир эртадек кечади. Тезроқ катта бўлишни истардик. Эртақларга ишонардик. Биз «уруш-уруш» ўйнардик, бироқ дунёда ҳақиқий уруш борлигини билмасдик, ёғоч мильтиқчалар билан бир-биримизни отардик, ўлардик, бироқ ҳақиқий ўлим борлигини билмасдик. Одамлар туғилаверса ер юзига сиймайди деб

ўйлардик. Биз бегубор ва бахтиёр болалар эдик. Ҳар қандай шароит билан ҳисоблашмай, хоҳлаган ишимизни қилардик, ёмон ва яхшининг фарқига бормасдик. Дунёдаги барча одамларни яхши кўрардик. Эртадан-кечгача қишлоқнинг қумлоқ кўчаларида қумга беланиб тўп тепардик, биримиз «Пеле», биримиз «Биродар» эдик. Биз болалар улғайган сайин шароитга қараб иш туттишни ўргатишди. Фалончидан узокроқ юр дейишди, у ёмон, бу яхши дейишди. «Ёмонларга» яқинлашмадик. Улғайган сайин биз ҳам одамларни тоифаларга ажрата бошладик. Болалик эса ширин хотира бўлиб қолаверди.

Ҳаёлларим ичра унсиз йиғлаётган болалигим, сени соғиндим. Болалик қайтиб келмайди, у мангу манзилларга равона бўлди. Уни қайтариб бўлмайди. Ширинширин орзулар Ватани, соф кўнгиллар Ватани, мен сени соғиндим...

Алишер ОБИДОВ
Бухоро




Елғош ХУЖАМБЕРДИЕВ сурати

«Оила ва жамият» 21(144)

Ер шарининг пайдо бўлганга миллионлаб йиллар бўлган эсада ҳали-ҳамон ўрганилади. Очилмаган сирларнинг бўлса сўнгги йўқ. Оёғимиз остидаги шу тупроқ бизларни едириб-ичиради ва ҳатто кийинтиради. Биз ҳам уни ўз навбатида авайлаб асрашимиз зарурлигини кўпчилигимиз унитабзгандекмиз.

Бизнинг бой-бадавлат, соғлом, қолаверса тинч-тотув яшашимиз ҳам шу заминимизга боғлиқлигини Ўзбекистон Фанлар Академияси Тупроқшунослик ва агрохимия Институтининг директори, академик Жўрақул ака Сатторов билан бўлган суҳбатимизда янада теранроқ ҳис этдим.



Марат БОЛТАБОВЕВ сурати

— Тупроқнинг ўзи нима?— дейди домла куюн-чаклик билан.— Қанчалик оғир бўлсада айтишим зарур, кўпчилигимизнинг бугун у ҳақда тузук-куруқ маълумотимиз йўқ. Чунки мукаммалроқ тушунчага эга эмасмиз. Шу туфайлими, ишқилиб оладиган даромадимиз ҳам шунга мос.

— Жўрақул ака, ўзингиз айтдингиз, мукаммалроқ тушунчаниз йўқ деб. Ростини айтганда ҳам сизларнинг соҳангиз билан ҳамма таниш эмас. Тупроқшунослик деган фан борлигини бехабарлигимизга сабаб нима?

— Уринли савол. Она тупроқ, она ер деймизу аммо, у ҳақда фақат мутахассисларгина маълумотга эга. Бундай бўлишига асосий сабаб мактаб дастуридан ушбу фаннинг «тушиб қолганлиги»дир. Мактабда табиатнинг тирик компонентларидан иккитаси — ҳайвонлар («Зоология») ва ўсимликлар («Ботаника») ўрганилади, холос.

Шундан 28.080.400 гектар ер майдони қишлоқ хўжалигида фойдаланилади, ўрмон хўжалиги майдони 1410000 гектарни ташкил қилади. 15.539600 гектардан эса қишлоқ хўжалигида фойдаланилмайди.

Одамлар яшаб турган жойлар, саноат корхоналари ва қишлоқ хўжалиги маҳсулотлари етиштириладиган ер майдони экологик ва мелиоратив жиҳатдан тоза эмас.

Қишлоқ хўжалигига тааллуқли 28.080.400 гектарнинг 24 миллиони ўтлоқ ва яйлов ерлар ҳисобланади. Бу майдонга ишлов берилмайди. Ифлослантирувчи моддалар фақат атмосферадан келиши мумкин. 769.200 гектар майдонда эса сугорилмасдан деҳқончилик қилинади. Бу жой қир-адирлардан иборат. Энди энг асосий ишлов бериладиган ер майдонига келсак, бу майдон 3.408300 гектарни ташкил қилади. Ушбу ер майдонида

келди. Бугунга келиб шўрланган ерларимиз сугорилиб ҳайдаладиган ерларнинг 59%ига етди.

— Сув омборларининг ҳам тупроқ ҳолатига таъсири борми?

— Омбордаги сувнинг лойқаси тингандан кейин экин майдонлари сугорилади. Бу билан биз еримизни органик ва минерал моддаларга бой

яна бир асосий томони шундаки, касаллик тарқатувчи кўплаб микроблар тупроқда, ёки тупроқда яшовчи ҳайвонлар, уларнинг қолдиқлари ва ўсимлик қолдиқларида тарқалган бўлади.

Хўш, шунча муаммолар бор экан нега тупроқ шароитини медицина билан боғлаш керак! Фанда медицина тупроқшунослиги деган

муаммоларни энгиллаштиришда албатта фойда ҳам беради.

— «Орол» фожеаси нафақат Ўзбекистонда, ҳатто дунё миқёсида муаммо бўлиб қолмоқда. Сувдан бўшаган жуда катта майдонда тузлар йиғилган. Бу майдонлардан фойдаланиш мумкинмики!

— Оролнинг қуриши натижасида фақат Ўзбекистоннинг ўзида 1 млн. 300 минг гектар денгиз туби очилиб қолди. Ушбу майдоннинг юқори қатламида 25-30% сувда эрийдиган туз бор. Энг хавфлиси шуки, бу юқори қатлам унсимон чанг ҳолатда бўлиб, шамол таъсирида доимо кўтарилиб, кўчиб юради.

Олиб борилган текширишларга қараганда Орол денгизидан 50 км радиусда ҳар йили шамол билан 350 кг чанг ётқизилмоқда. Шунинг ярмига яқини туз.

Хулосага ўтадиган бўлсак бугунги кунда Қорақалпоғистон ҳудудида тупроқ қатлами 100% шўрланган. Бугунги кунда бу ердаги аёллар сутиди ҳам маълум миқдорда туз борлиги аниқланди. Бу кетишда эрта бир кун нима бўлишини кўпчилик тасаввур қила олса керак.

Энди бўшаган майдондан фойдаланиш масаласига келадиган бўлсак, бу мумкин. Бу майдоннинг кўп қисми паст-чўқур жойлардан иборат. Қузатишлар шунини кўрсатаётки, сўнгги пайларда чўқур жойларда ёмғир суви йиғилиши натижасида туз қўкяпти. Шундай жойларга қўкятлар экиш мумкин ва аста-секин бу ерлардан чорвачилиқда фойдаланса бўлади.

Бизнинг институтиمиз биринчи бўлиб Оролнинг очилиб қолган туби харитасини тузиб чиқди. Ушбу харитани Сув хўжалиги, Ўрмон хўжалиги вазириликлари ва Ботаника лойиҳалаштириш институтлари фойдаланиш учун биздан олишган. Улайманки, бу ишлар ҳам ўз натижасини кўрсатади.

— Суҳбат учун раҳмат. Ишингизга ривож тилаймиз.

ТУПРОҚ — ЖОНЛИ МАВЖУДОТ



В. КАВЕЛИН сурати

Учинчи тирик организм — тупроқ («Тупроқшунослик») эса ўқув дастурига киритилмаган. Ваҳоланки, табиатда ҳамма компонентлар бир-бири билан чамбарчас боғлиқ. Уларнинг бири бўлмаса бошқасининг яшashi мумкин эмас.

«Ҳечдан кўра кеч яхши» деганларидек, ҳали ҳам ўқув дастурига ушбу фанни киритмоғимиз ва хатомизни тўғрилашимиз зарур.

— Республикаимиз тупроқнинг ҳозирги аҳволи, унумдорлиги қандай?

— Республикаимизнинг ер бойлиги турли мақсадлар учун фойдаланилади. Мамлакатимиз территориясининг умумий майдони 45.585.000 гектарни ташкил қилади.

тўғрисини айтмоқ керак, тупроқнинг аҳволи анча оғир.

Ўзбекистон собиқ иттифоқнинг пахта базасига айланиб қолганлиги учун барча имкониятлар шу мақсадга бўйсундирилган эди. Янги ерларни ўзлаштириш доимо биринчи ўринда турган.

Ҳатто адирларни ҳайдаб пахта экилган ҳоллар ҳам учраган. Натижада тупроқнинг устки унумдор қатлами ювilib кетган. Буни фанда эррозия активлашуви дейилади. Яна, ҳосилдорликни ошириш мақсадида сув нормалари кўпайтириб берилган. Оқибатда ер остидаги шўрланган сувлар кўтарилиб тупроқнинг шўрланган ерлар майдонини кўпайишига олиб

лойқадан маҳрум қилдик. Агар тарихга назар ташласак, деҳқончилик билан шуғулланган боболаримиз ерни лойқали дарё суви билан сугорилган. Бу эса бизга келиб бутунлай янги, унумдор тупроқ ҳосил бўлиш жараёнига олиб келган. Биз сув омборларидан келаётган фойдани кўрибгина қолмасдан зарарини ҳам ёдда тутмоғимиз зарур ва уни қоплаш йўллари топтоғимиз керак.

— Жўрақул ака, айтишларича тупроқнинг экологик, мелiorатив жиҳатдан бузилиши одам организмидеги касалликка қарши курашувчи чидамлиликнинг кучсизланишига сабаб бўларкан. Ҳар хил юқумли касалликларнинг келиб чиқиши ҳам бевосита тупроқнинг аҳволи билан боғлиқми?

— Жуда тўғри фикр! Биз доимо тупроқни жамеки тирик организмларнинг яшайдиган экологик бошлангиси эканлигини унутмаслигимиз керак. Хоҳлаймизми, йўқми, тупроқдаги барча тирик ва ўлик моддалар билан инсон тўғридан-тўғри алоқа қилади. Масалан: инсон тупроқда етиштирилган маҳсулотлар билан озиқланади, сизиб ўтган суви инсъемол қилади. Маҳсулотнинг сифати эса тупроқнинг таркиби билан чамбарчас боғлиқ.

Инсон саломатлиги заминимиз билан боғлиқлигини

янги йўналиш ҳам очилса яхши бўларди.

— Уялаб, қарасак, бугунги кундаги муаммоларнинг бош сабаби кимёвий моддалардан нотўғри фойдаланишга келиб тақалапти. Ушбу муаммони ҳал қилиш мумкинми?

— Собиқ СССР даврида «Союзсельхозхимия» бирлашманинг ҳар бир республикада ўз тармоқлари бўлиб, улар ерга бир йиллик кимёвий ўғит бериш планини ишлаб чиқиш билан шуғулланишган. Аммо, ушбу структуранинг пастки звеноси, хўжаликларга сотиб олиб келтирилган моддаларини ернинг шароитига қараб қўллайдиган бўлим ташкил қилинмади. Яна шахсий томорқалар учун ҳеч ким алоҳида ўғит сотиб олмаган.

Буларнинг бари ғўза учун ажратилган ўғит ҳисобдан кетаверар эди.

Менинг тақлифим: мавжуд бирлашмалар ўрнига ҳар бир жамоа хўжалигида ёки кимёлаштириш маркази очилса керак. Бу ердаги мутахассис ўзига тегишли тупроқни ва ўсимликни ўрганади, кераклигича моддани ишлатади. Шунда катта-катта ташкилотларнинг вазифасини хўжаликлардаги марказлар бажара олади. Бу эса ҳар жиҳатдан мукаммал ташкилот бўлиб қолади. Бундан ташқари

ГЎЗАЛ МУОШАРАТ

Дераза

ТАЛАНТЛИ ХОР БЎЛМАЙДИ

Америкалик саксафонист Франц Бранн пулсиз ва ишсиз анча вақт қолиб кетди. Ва ниҳоят унинг талантини қадрлайдиганлар ҳам топилди. Фермерлар уни жониворлар учун концерт қўйиб беришга таклиф қилиб, мўмай даромад ваъда қила бошладилар. Бунга сабаб, фермерлар орасида саксафон овози ҳайвонларнинг иштаҳасини очиши тўғрисида гап тарқалгани бўлди.

Ҳозирда Бранн сизирлар учун бир неча концертлар бериб улгурди. Ҳатто, келгуси йилга ҳам буюртмалар тушмоқда. Тўрт жойда товуқларга саксафон чалиб бериши учун фермерлар унга олдиндан ҳақ тўлаб қўйдилар.

ҲАВАСКОР ОВЧИ ҚЎЛГА ОЛДИ

Чехиянинг Олмоутс шаҳрида автомобиль ўғрилигини касб қилиб олган икки халқаро мафия гуруҳи ўртасида низо чиқди. Низо фожевали яқунланди. Италиялик Жузеппе С. собиқ югославиялик фуқарони отиб қўйди. Кейин худди Фарб кинофилмларидаги сингари кува-кув бошланди. Жиноятчи «Алфа — Ромео» машинасида Австрияга қочиб ўтиб кетди.

150 дан ортиқ австриялик полициячи бир неча верталёт ёрдамида ўғри боши яширинган жойини икки кун мобайнида ағдар-тунтар қилиб чиқишди. Натижа бўлмади. Жиноятчи тўрт кундан кейин ушланди. Уни эълон қилинган расмидан таниб қолган ҳаваскор овчи ўрмон бўйида қўлга олди. Жиноятчи ўзига ўқталган милтиқни кўриб полициячилар етиб келгунча қўл кўтариб туришдан бошқа илож тополмади. Милтиқ эса... ўқланмаган экан.

«ЎҒЛИ» НИ ДЕБ...

Португалиялик Хелена Диристо исмли аёл даряхтни... қонуний ўғлим деб эълон қилди. Хелена 14 ёшли даряхта Алберт дея ном қўйиб, қаттиқ парвариш қилмоқда ва айни вақтда, даряхтни «ўғлим» деб расмийлаштиришга урингани учун судда тергов бермоқда.

БИРАТЎЛА 6 ЭГИЗАК

Ҳиндистоннинг «Дейник трибюн» рўномасининг хабарига кўра, Мисрда истикомат қилувчи 25 ёшли Фотима Аббос исмли аёл биратўла 6 та эгизак фарзанд кўрди. 4 ўғил ва 2 қизнинг соғлиги яхши. Бу бахтли онанинг 1 ўғли ва 3 қизи бор эди. 25 ёшда 10 та фарзандга она бўлиш бахтими? Е...?

Хориж матбуоти хабарлари асосида тайёрланди.

сезилса вақт ўтказмай ҳар икки тараф келишиш йўлига киришиши лозим. Бутун нарса ёниб кул бўлганида ҳам эр билан хотун ораси тузук бўлганида ҳасрат чиқмас. Чунки бундай ишлар эр билан хотун орасидаги иттифоқу гўзал муошарат билан унутилар.

Эр бўлган киши ўзининг хотунига шафқатли бўлиб, унга ҳодима эмас балки рафиқам деб қараса, хотун ҳам эрининг марҳаматли ҳомийси бўлиб қолади. Яхши яшамок ҳақида ўзларидан лозим бўлган интилишларни қилмасалар тақдирдан ўпкаланмоқ ва бир-бирига айб йўқламоқлик одабийликдан эмас.

Хотунларнинг хотиралари но-

зигу кўнгиллари гамгин эканини билиб ақлли эр уларни машаққатлардан ҳимоя этади. Айбларини изламай кўринган айбларини тузатишга ҳаракат қилади.

Дунёда энг буюк саодат гўзал машаққатдир. Шунинг учун бу тўғрида мусоҳала этмоқ жоиз эмас. Аббосий халифаларининг энг машҳурларидан бўлган ал-Мутаваккил Алий Аллоҳ ибн Жаъфарга: «Ер юзида сиздан бахтли кимса ҳеч бўлмас» деганларида, халифа: «Хато сўзладимиз, гўзал уйи, эзгу хотун, яхши машаққат бўлган кимса бизлардан кўра бахтлидир» деб жавоб берган эди.

«Оила сабоқлари»дан

БИЛАСИЗМИ!

Инсон мияси 1 триллионга яқин ҳужайралар майдонидан иборат. Агар ҳар бир ҳужайрани битталаб санаш учун 1 секунд вақт сарфласак, миядаги бутун ҳужайраларни санаш учун 300 000 йил керак.

Яшин чаққанда 3750 миллион кв. электр кучи ҳосил бўлади. Шунингдек, бир яшин кучи АҚШдаги бутун электр қувватдан ортиқ.

Мексикада бир гулнинг турри эрталаб оқ, туш вақтида қизил, кечалари ҳаворангга киради. Кундузи ҳидсиз, фақат кечаси ҳид таратади.

Инсонлар томонидан маданийлаштирилган илк мева тури — узумдир.

Инсон йўталганда чиқадиغان ҳавонинг тезлиги соатига 100 милга тенг.

От 25 кун ҳеч нарса емай, фақат сув билан яшай олади.

Асаларининг бир кило асал тўплаши учун учган масофаси дунёни уч марта айланиш билан тенгдир.

РУСТАМ МАРДОН



ПОЛВОНЛАР

Р. АЛБЕКОВ сурати

ТАБРИКЛАЙМИЗ!



Азиз онажонимиз Мамлакат **БЕРДИЕВА!** Биз — фарзандларингиз сизни таваллуд

қўнингиз билан чин юракдан табриқлаймиз. Аввало доимо соғ-саломат юринг. Неки орзу қилган бўлсангиз барчасига мушарраф бўлиб, 100 ёшни юзини кўринг. Яна кўп-кўп эзгу тилаклар тилаб: **ТУРМУШ УРТОҒИНГИЗ, фарзандларингиз МУҲАББАТ, МУҚАДДАМ, МУБОРАК, ҲАСАН ва ҲУСАН.**

узоқ умр, бахт-иқбол тилайман.

Дилшод ЭШБОЕВ



Ҳурматли устозимиз Алижон **ЗОҲИДИЙ!** Сизни 12 шон таваллуд қўнингиз билан

муборақбод эгамиз. Ҳаёт йўлингиз ёруғ, ижодингиз серқирра ва баракали бўлсин, деб талаба **ШОГИРДЛАРИНГИЗ.**

риқлаймиз. Уларга битмас-туғанмас оилавий бахт, соғлиқ-саломатлик, ҳаёт мураккабликларига сабр-бардошли бўлишларини тилаймиз. «ОИЛА ВА ЖАМИЯТ» жамоаси



Ҳурматли устозимиз Оловхон **САМАДОВ** Сизни муборақ 50 ёшингиз билан қўнлаймиз. Сизга боққий умр, соғлиқ-бардошлик тилаймиз. Бир гуруҳ **шогирдларингиз Чироқчи тўгани**

Қадрли акажоним **МАМАНЖОН!**

Сизни қўнлуғ таваллуд қўнингиз билан муборақбод эгамиз. Бахтингиз тўқис, оилангиз мустаҳкам ва тотув бўлсин. 29 ёшингиз ҳаётингизга олам-олам шодлик олиб келиш. **Сингилларингиз ДИЛБАР ва НОИБА, Самарқанд вилояти.**

Оила

32 ЕШДА

Водийдан, уйланмаган, маълумоти ўрта махсус, ишчи, дили пок, бўш вақтларида тижорат ишлари билан шуғулланади, уй-ҳовлиси етарли, яшаш шароити яхши, ҳозирги кунда ота-онаси билан яшайди, 20-32 ёшлар атрофида бўлган камтар, эспин-қушли қиз билан турмуш қуриб бахтли ҳаёт кечирмоқ эгона орзуси «Оила-318».

35 ЕШДА

Тошкент вилоятилик, олий маълумотли шифокор, турмушга чиқмаган, табнати оқич кўнгли, меҳрибон мулоим, рўзғор ишларига жуда ўқувли, покиза қиз, 35-45 ёшгача бўлган, оилапарвар, зарарли одатлардан холи, ақлли-фаросатли йигит билан турмуш қуриб бахтли яшаш истагида «Оила-319» мактубингизни кутади.

ИЗОҲ: Сизнинг имкониятингизни чамалаб кўриб, эълон баҳосини бошқа рўзномаларга қараганда энг арзон нархда белгиладик. 1 босма белгининг баҳоси — 20 сўм. Табриқ сурати билан берилса, битта суратнинг баҳоси — 5000 сўм, танишув эълони — 2000 сўм.

10 кун муҳлат ичида бериладиган шойлини эълонлар икки баравар қимматлашади.

Ҳурматли **МАНЗУРАХОН!** Мен сизни 9 шон кўни 15 ёшга тўлишингиз билан табриқлайман. Ўқш ва шиларингизда улкан муваффақият,

«ОИЛА-220, 271» тартиб рақамидagi қизларимизнинг оилалик бўлиб бахтиёр яшадганлиги муносабати билан чин дилдан самимий таб-

«Оила ва жамият» 21(144)

Олим Бекназар 1969 йил Қашқадарё вилояти, Қамаши тумани, Оқғузар қишлоғида туғилган. ТошДД филология кулли-

нинг IV курсида ўқиш билан бирга «Оила ва жамият»да ишлайди. Уйланмаган. Шеърлари кўплаб нашрларда чоп этилган.



МАРВАРИД КЎЗИГА МЕНИ КЎМИШГАН

Иккимиз гуноҳнинг тилида ўсган,
Осмон ҳам қимтиниб ўлмаган ҳали.
Шамшир қинларидан шабранг қон қусган,
Қазоимиз келмас тунги маҳали.

Еввойи гулларнинг сунини эмган
Бу телба шамоллар кетар тентираб.
Оҳ деган азобни тупроққа кўмган
Дарахтлар келади биздан ишқ сўраб.

Ҳали турланади фалак ҳам турфа,
Барчаси хаёлин поклайди бутун.
Кўшининг нуридан тақади халқа,
Қисмат эшигини чертаверар тун.

Кўзларин беркитган майсалар бари
Тонглардан келтирар яшил бойчечак.
Хўрсиниб ой нурын сочган маҳали,
Анбарлар ҳуснингга солар ҳалинчак.

Кипригим тонгларнинг исини туйди,
Хурлар тўшағида синиқли юрак.
Бул ғамгин кечанинг оппоқ кўйлагин
Ичиб кўйди теварак...

Согинчим бағрини ҳовучлаб ўпдинг,
Тилларим тунларга эртақлар айтди.
Энтикиб улардан сени сўрадим...
Кўнглимга бир сағир вафолар қайтди.

Ҳали-ҳали унут бўлмади ўмид
Қалбимни қизғалдоқ қон-қон суқлади.
Бу мудҳиш дийдиём қабрларидан
Ишқимизни кимдир йўқлади?!

Мен сизингиз туннинг кўзлари юмуқ,
Илтижом дилимга дарддай қайтмади.
Сим-сим тилсимларнинг талабларидан
Сенга мени ҳеч ким айтмади.

СУНГИ...

Сен сўзладинг...
Оғир ботди юрагимга
...тополмадим,

Бир сўз изладим,
Ешлар инди қабоғимга.

МЕН сўзладим...
Сенга сўзлар ўқдек қадалиб
...юрагимдан

Паноҳ изладинг
Тополмадинг,
...Кетдик алданиб...



ТУГАЛЛАНМАГАН ТАСАВВУР

Ишқимнинг оҳидан уҳ тортди олам,
Боғларда кезинди хазонрез шамол.
Теграмда энг оғир, энг охир азоб.
Мудранди майсадан топмади камол.

Кўнглимни саболар ғажиди бесўз,
Тунлар нафасида кўринмади ой.
Ожиза осмон ҳам ёрилди унсиз.
Малаклар ишқимдан тополмади жой.

Оҳларим кетдилар охири топмай,
Йўлларда тентираб йўқотди калом.
Вужудим титради, ўзин овуتماй
Рухим саҳроларга айтди: «АССАЛОМ».



Уша кун...
Оппоқ эди кўйлагинг сенинг
Денгиздаги кўпикларсимон...
Уша кун...

Уша кун тунд эди тун,
Кўзингдек қора эди осмон.
Мен йиғлагандим,

Сен эркаландинг,
...Ҳассос ҳижрон.

Қорнинг ранги ҳам қора эди
Тунларнинг этаги мисол
Парли тўшақлари,

Уша кун...
Фақат сенинг кўйлагинг оппоқ...

Мендан сен саховат тилама кечам,
Фаришта дилимни ишққа олишган.
Зим-зиё зулматнинг қобирғасида,
Марварид кўзига мени кўмишган.

Мендан сен ишқимни тилама кечам,
Гавҳар япроғига азоб етказдим.
Хуфтон сидирлиб, бомдод тирилиб,
Ўлим тўшағидан ҲАҚНИ кетказдим.

Мендан сен Азобни тилама кечам,
Тупроқ ҳовуридан кўқартдим бир тан —
Юлдуз туғади бир кун, кутгин, дафъатан —
Бу сен ва мен кутган ВАТАН.



Тили бутун, ғужури қайноқ,
Эътиқоди бут мўъмин турса,
Юртни сўраб, имонга чорлаб
Халқим,

тириксан!
Қоғоз ҳаққин этолсам адо,
Вужудим синган шу тупроқда.
Битта ниҳол уйғонса агар —
Мен

ҳам
тирикман!!!

Боғларда саросар кечган куз,
Кўтарибмиш сафроранг туғин.
Кайдасан, баҳорим?..

Тилимга калима келмайди,
Чилпарчин хаёлниг дастидан.
Оҳ, мени ҳеч кимса билмайди,
Сабзахуш бўйларинг мастиман.
Кайдасан, алқорим?..

Оёқларим, икки ёнимда
Шалвираган қўлимни кесинг.

Гўё чинга ўхшатиб айтган,
Сўзларимга кўрманг ишона.
Бўлса ҳамки уч-тўрт чизиги
Алдар сизни бу кенг пешона.

Киндигимдан, ҳа-ҳа ўшандан
Тиг ўтказиб кўр билан ўранг.

ЮРАГИМ ТЎКИЛСИН ЛАБИНГГА

Тўлқин Шодмоннинг ёзганлари кўпга маъқул бўлса керак. Чунки у шеърятни яхши тушунади, ижод қилишни мажбурият эмас, балки қалб эҳтиёжи деб билади. Кўпроқ фикрлашга, ақлини ишга солишга интилади.



ШЕЪРГА ҚАЙТИШ

Рухимни чулғаммиш хазонрез,
Утинчинг қайгуваш кўшиги.

Танимга сиғмаган ватаним —
Юрагим тўкилсин лабингга.
Мен сени айтмаган чоғлаиб,
Бир умр девонда ғамингман.

Кайдасан, алёрим?..
Йўқ, сени қидириб чиқайдин,
Ситилиб кетсин-а бу жоним.
ИЛОҲИ,

ўзингга етайин,
Бўлмаса, менга ёт Сурхоним.
Кайдасан, суярим?..

Кимлигимни эса киндигим
Қони томган тупроқдан сўранг...

Бу кеча мен бор-у,
алам бор, шам бор...
Юракда неки бор,
ёзар қалам бор.
Тириклик беш кунлик,
ўкинчи нечун?..
Бизга эш қорачуғ,
бир томчи нам бор.



